

Datum: 15.12.2016.

Broj: 06-01/566

Svim medijima – dostavlja se

Prednacrt Zakona o slobodi pristupa informacijama ugrožava medijske i građanske slobode

Organizacije civilnog društva uputile su Ministarstvu pravde BiH zahtjev da povuče iz procedure Prednacrt Zakona o slobodi pristupa informacijama, jer prijeti da ukine postojeća prava u oblasti pristupa informacijama i kosi se sa međunarodnim standardima

Sarajevo/Banja Luka, 15. decembar 2016. -- Transparency International u Bosni i Hercegovini (TI BiH) je zajedno sa grupom organizacija (UG Zašto ne, Centar za istraživačko novinarstvo, Centar za društvena istraživanja – Analitika, Centar za zastupanje građanskih interesa – Fondacija CPI, Udruženje „BH Novinari“ i Sarajevski otvoreni centar) uputio pismo Ministarstvu pravde BiH sa zahtjevom da se iz procedure povuče Prednacrt Zakona o slobodi pristupa informacijama jer bi se njegovim eventualnim usvajanjem ugrozile medijske i građanske slobode.

U zajedničkoj reakciji se ističe da predloženi Prednacrt umjesto da unapređuje postojeća, ukida već stečena prava u oblasti slobodnog pristupa informacijama. TI BiH je svoje komentare i prijedloge ranije poslao Ministarstvu pravde, a neka od najspornijih i oštro kritikovanih rješenja odnose se na sljedeće:

- predloženi model **proaktivne transparentnosti** ne uključuje sve potrebne kategorije informacija i načine njihovog objavljivanja onako kako su predloženi standardom proaktivne transparentnosti;
- **test javnog interesa** nije postavljen kao opšte pravilo koje važi za sve izuzetke i situacije, te se na ovaj način ukida najznačajnije dostignuće važećeg Zakona;
- uvodi se obaveza da podnosilac zahtjeva za pristup informacijama **mora navesti razloge zbog kojih traži pristup informacijama**, čime se najdirektnije ugrožava pravo na slobodu mišljenja i izražavanja;
- predviđeni **izuzeci** od primjene pravila o pristupu informacija nisu dovoljno jasno precizirani;
- **novi rokovi** od dodatnih 15 dana za postupanje po zahtjevu za pristup informacijama u praksi bi mogli biti olako zloupotrebjeni i smanjice efikasnost postupaka za ostvarivanje prava na pristup informacijama.

Organizacije civilnog društva upozorile su da se predložena rješenja kose sa međunarodnim standardima u vezi sa slobodom izražavanja i pristupom informacijama definisanim u Evropskoj konvenciji o ljudskim pravima i osnovnim slobodama i Univerzalnoj deklaraciji o ljudskim pravima, zbog čega su pozvale Ministarstvo pravde BiH da vrati Prednacrt na doradu i da se pri novoj izradi konsultuju sve zainteresovane organizacije i javnost, a da se posebna pažnja posveti međunarodnim preporukama i poštivanju međunarodnih konvencija.

Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mehmed-bega Kapetanovića Ljubušaka 4, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org